

門
2260

岡氏
齋

異稱日本傳中之三引用書目

高皇帝御製文集

蘿山集

今按中引延久官符尾張國風土記

大明一統志

大明會典

紀効新書

續說郛

唐詩訓解

月令廣義

劉氏鴻書

萬姓統譜

瑯琊代醉編

傳稱日本傳卷中三目

三才圖會

今按中引九曆西宮記

五燈會元續略

今按中引夢窓年譜天龍寺紀年考

續釋鑑稽古略

夢觀集

適情錄

玉煙堂

今按中引體源抄

醫學綱目

今按中引釋氏要覽證治準繩

文房器具箋

本艸綱目

五雜俎

潛確類書



高皇帝御製文集卷第二詔

諭日本國王詔

曩宋失馭中土受殃金元入主二百餘年移風易俗華夏腥膻汎志君子孰不興忿及元將終英雄鼎峙聲教紛然時朕控弦三十萬礪刃以觀未幾命大將軍律九伐之征不逾五載戡定中原蠢爾東夷君臣非道四擾隣邦前年浮辭生釁今年人來否眞實非疑其然而往問果較勝負於必然實構隙於妄誕於戲渺居滄溟罔知帝賜奇句傲慢不恭縱民爲非將必殃乎故茲詔諭想宜知悉

今按高皇帝御製文集二十卷明太祖文集也劉基後序

日翰林學士臣樂韶鳳宋濂等之所編錄諭日本國王者

圖書編曰太祖賜璽書諭日本國王良懷謂此也此時本

朝分崩離折哮嚙之羣風驅良懷親王爲太宰都督在鎮
西故明太祖詔諭之然於屯膏之時不能蕩擻甚可嘆息
也

又卷第十六 雜著

設禮部問日本國王

禮部尚書至意專答日本國王嗚呼王罔知上帝賜奇甸於
滄溟之中命世傳而福黔黎今王不奉上帝之命不守已分
但知環海爲險巖頭石角爲奇妄自尊大肆侮隣邦縱民爲
盜帝將假手於人禍有日矣吾奉至尊之命移文與王王若
不審巨微效井底鳴蛙仰觀鏡天以爲巨之無量無乃構隙
之源乎恐王大略涉歷古書不能詳細特將日本與中國通
往禮物及前貪商之假辭如王之國至日可細目日本之盛

大也且日本之稱有自來矣始號曰倭後始名曰倭遂改
本其通使中國者上古勿論自漢歷魏晉宋梁隋唐宋之朝
皆遣使奉表貢方物生口當時帝王或授以職或爵以王或
睦以親由彼歸慕意誠故報禮厚也若夫叛服不常構隙中
國則必受兵如吳大帝晉慕容廆元世祖皆遣兵往伐俘獲
男女以歸千數百年間往事可鑒王其審之

今按吳大帝孫權也權伐夷洲見吳志列上晉慕容廆武
宜皇帝也慕容廆伐日本者非也晉書卷一百八載慕容
廆傳曰率衆東伐扶餘扶餘王依慮自殺廆夷其國城
驅萬餘人而歸東夷校尉何龔遣督護賈沈將迎立依慮
之子爲王太祖以此誤爲伐日本事扶余高句麗百濟之
舊國也元世祖命黑的弘持書往至對馬島日本人拒而

不納執其塔二郎彌二郎二人而還又十一年征日本虜掠四境

設禮部問日本國將軍

大明禮部尚書至意日本征夷大將軍

二儀判久昭萬象於穹壤奠海嶽於洪龐生民盈於寰宇然而天造地設隔崇山限大海人言異風俗殊盡爾間又非一主性命而有也其所主者又何量也雖主非一人又非仁人者天奚輔之若非禍首天奚禍之前軍奉書我朝丞相其辭可謂坐井觀天者也且往者我朝初復中土彼日本僧俗多至問云使則加禮禮之或云商則聽其去來斯我至尊將以為美矣必欲深交日本是有克勤仲猷二僧之行及其抵也非仁德於使今又幾年矣洪武十二年將軍奉書肆侮奏母

禮答謂彼來者將軍自云貪商今來者是不信也今年秋如瑤藏主來陳情節非我朝將軍奏必貪商者將欲盡誅之時我至尊弗允旨云彼若是此即施刑豈不小人無辜况隔滄海之遠福善禍淫鑒在高穹吾中國雖不強盛人非侮甚安敢違帝命而擾生民者乎本部既聽德音專差人涉海往問如瑤藏主之來果貪商假名者歟實使為國事而勞者歟將行羣臣奏止曰限山隔海凡王者奉若天道各主生民今日本君臣縱民為盜四寇隣邦為良民害無乃天將更君臣而伐其患乎我至尊弗允而諭之曰人事雖見天道幽遠奚敢擅專若以舳艫數千泊彼環海使彼東西趨戰四向弗繼固可然於生民何罪且以禮賁之舉待彼何如卿等議之本部復觀彼之浮辭行雲流水皆將方無德之徒忘中國之寬構

是非於兩端識者嗤之治民之國信浮圖而構大禍古至於
今未之有也且尋方問道不得自由蓋為彼國之人入皆為
盜是僧不得自由斯故也如彼日本邊民曾被中國人氏為
盜而擾之乎及使至彼中拘不自由果何罪耶謂元之朦朧
漂於蛇海將為天下無敵矣吾不知彼國以天之所以然歟
人事之所以然歟若以人事較之元生紫塞不假舟梁蹄輪
長驅經年不阻而為有疆但長於騎射短於舟楫況當是時
日本非元仇讐非隣邦之患害元違帝命好尚尚兵加以天
厭征伐海風怒號沈巨艦千艘淪精兵於海底將軍以為彼
國之人能者也彼何曾見元之陸勢鵬旗斂精兵駿騎雲屯
霧集鵬旗舒陣列重山埃塵直天蹄鳴雷轟戈才掣電胡人
振威露刃哮吼鬼魅潛走所以八蠻九夷盡在馭內惟爾日

本渺居滄溟得地不足以廣疆得人非為元用所以微失利
而不爭以其蕞爾之地也如知天命不可以兵禍而禍日本
之良民也今彼國以敗元為長勝以疆為大而不可量吾將
爾疆用涉人而指視令丹青繪之截長補短周匝不過萬里
餘陸比元蹄輪長驅經年不阻而較之吾不知孰巨細者耶
今彼國通年以來自誇強盛縱民為盜賊害隣邦必欲較勝
負見是非者歟辨強弱者歟至意至日將軍審之

今按日本征夷大將軍源義滿也如瑤藏王者關西親王
良懷所遣僧也圖書編曰遣僧如瑤貢馬詳見下文

又卷第十九

倭扇行

滄溟之中有奇甸人風俗禮奇尚扇捲舒非矩亦非規列陣

健兒首投獻國王無道民為賊擾害生靈神鬼怨觀天
亦何知斷髮斑衣以為便浮辭常云弁服多捕賊觀來王無
辨王無辨褶袴籠鬆誠難驗君臣跪足語蛙鳴肆志跳梁于
天憲今知一揮掌握中異日倭奴必此變

今按日本扇所賞于中華年久矣見皇朝類苑其上卷大
祖賦言亂邦事扇亦從世弁指獨不可根秋風也一統志
我國土產中載扇在下文

宋景濂蘿山集第四

賦日東曲十首

問海上僧僧多不能答時辛酉冬十月也

其一

伊水西流曲似環宮闕遠映龜龍山六十六州王一姓千年

猶效漢衣冠

日本自古唯此一姓王
姓藤氏史則云王氏

今按伊水嵯峨大堰河太堰和訓於保伊略曰伊龜龍山

嵯峨龜山東山龍山王姓藤氏史則云王氏訛王氏藤氏

各異自開闢以日神子孫為王非王氏見圖書編今按中

其二

藤橘源平族四家連城甲第競豪華治書省內多官使黃牒

紛紛簇五花

藤橘源平國中四大姓治書省乃官署各有尚
書侍郎郎中主事及鴻臚卿丞之屬其印文曰

太政官印


今按四大姓者後世之所稱姓氏錄所載一千一百八十

二氏其中多大姓治書省尚書省之訛我大政官當唐尚

書省八省百官悉屬太政官非有尚書侍郎郎中主事及

鴻臚卿丞之屬而已矣其印文曰太政官印太政官符所

用之印文也余嘗見延久二年二月廿日官符朱色紙
印文不全然欲證日東曲故下載之并引公式令



公式令曰符式

太政官符其國司

其事云云符到奉行

大辨位姓名

史位姓名

年月日

使人位姓名

右太政官下國符式

其三

絕入層霄富士岩蟠根直歷三州間六月雪花翻素羣何處
深林覓白鵬富士國中最高山六月山
上有雪三州謂豆駿相也
今按富士山直歷東西南三州北甲州凡四州間而隸駿

州也都良香富士山記曰富士山者在駿河國峰如削
直聳屬天其高不可測歷覽史籍所記未有高於此山者
也其聳峰鬱起見在天際臨瞰海中觀其靈基所盤連亘
數千里間行旅之人經歷數日乃過其下去之顧望猶在
山下益神仙之所遊萃也云云宿雪春夏不消云云

其四

紅雲起處是蓬瀛十二樓臺白玉京不知秦世童男女還有
兒孫跨鶴行
今按此詩言秦徐福事

其五

天皇大人洩秘寶八角垂芒貫斗樞青牛不度大洋海莫怪
無人識道書國中無道士

今按此詩意言日本非老子乘青牛所度之地故無道士
不知道書然文德實錄曰和氣朝臣貞臣弱冠從治部卿
安部朝臣吉人受老莊又菅家文章北溟章小知章堯讓
章詩序曰予罷秩歸京已爲閑客玄談之外無物形言故
釋逍遙一篇之三章且題格律五言之八韻且叙義理附
之題脚由此言之則不可言無識道書也

其六

玉孌妖血汚寰中豈有靈祠祀鬼雄莫是仙山真縹緲雪膚
花貌主珠宮國有楊貴妃祠

今按一雜書曰尾張國熱田廟前有山松茂森森然此號
蓬萊俗相傳云熱田大明神化楊貴妃亂彼大唐故玄宗
困天寶之蒙塵熱田之廟背有一基石塔其長二尺許其

形大醜巫祝等指之曰貴妃之塔婆也又廟外有玄大夫
祠僉云玄宗三郎之祠也貴妃謂楊什伍曰此後一紀當
相見願保聖躬此其證也見林謂雜書熱田大明神化楊
貴妃之說甚妄謹按尾張國風土記曰熱田大明神者日
本武尊也當景行天皇時東夷反日本武尊奉詔征之東
夷悉平歸路於尾張國少解草薙劍有光如神不把握之
故留以爲形影今宮簀姬奉齋祭之此萬世不刊之說也
爾來愛市瀉靈異赫々推爲蓬萊亦可也至唐道士入蓬
萊蓋至于此地乎於是世俗亦畫蛇添足以明神爲貴妃
誠癡人面前不可說夢也余前有東關之行過熱田社乃
入拜之懷往昔神德盤桓四顧時本社之後有小社荒蕪
大甚巫指之曰此楊貴妃祠也蓋好事者爲設之道傍有

源大夫社卜部兼邦云道祖神也此說為是源與玄音同故俗誣以為玄宗而已

其七

佛隴當時談妙法一道紅光射海東至今顯密二宗學長伴扶桑出日紅天台智者有傳教弘法二師來受顯密二教而去至今國中盛行今按天台智者在時有傳教弘法二師來受顯密二教非也傳教從天台道邃受顯教見高僧傳弘法從青龍寺惠果受密教見佛祖統記宋濂未考此耳

其八

竺門三典巧織題有氣橫空若彩霓梵唄動時花氣暖一齊盡看黑伽黎三典謂禪教律之文也國中悉有之

其九

無客持刀來厭虎有僧擊鉢學呼龍固知異域山川異祇把鯨波限四封其國無虎或云無羊驢

其十

中土圖書盡購刊一時文物故班班祗因讀者多顛倒莫使遺文在不刪其國但購得諸書悉官刊之字與此間同但讀上始為句所以文義雖通而其為文終不能精暢也

大明一統志卷之八十九

資政大夫吏部尚書兼翰林院學士臣李賢等 編輯

外夷

日本國東西南北皆際於海去遼東甚遠去閩浙甚遠其朝貢由浙之寧波以達于京師

沿革古倭奴國其地東西南北各數千里西南至海東北隅

隔以大山國王以王為姓歷世不易文武僚吏皆世官其地

有五畿七道以州統郡附庸國凡百餘自北岸去拘邪韓國
七千里曰對海國又南渡一海千餘里曰瀚海國又渡一海
千餘里曰末盧國東南陸行五百里曰尹都國又東南百里
曰奴國又東百里曰不彌國又南水行二十日曰投馬國又
南水行十日陸行一月曰邪馬一國其次曰斯馬國曰已百
支國曰伊邪國曰郡支國曰彌奴國曰好古都國曰不呼國
曰姐奴國曰對蘇國曰蘇奴國曰呼邑國曰華奴蘇奴國曰
鬼國曰為吾國曰鬼奴國曰邪馬國曰躬臣國曰巴利國曰
支惟國曰烏奴國皆倭王境界所盡其國小者百里大不過
五百里戶少者千餘多不過一二萬自漢武帝滅朝鮮使驛
通於漢者三十許國皆稱王其大倭王居邪馬臺國即邪摩
維是已光武中元二年始來朝貢後國亂國人立其女子曰

卑彌呼為王其宗女壹與繼之後復立男王並受中國爵命
歷魏晉宋隋皆來貢稍習夏音唐咸亨初惡倭名更號日本
自以其國近其所出故名或云日本乃小國為倭所併故冒
其號開元貞元中其使有願留中國授經肄業者久乃請還
宋雍熙後累來朝貢熙寧以後來者皆僧也元世祖遣使招
諭之不至命范文虎等率兵十萬征之至五龍山暴風破舟
敗績終元之世使竟不至本朝洪武四年國王良懷遣使臣
僧祖朝貢其後數歲一來至今不絕自永樂以來其國王嗣
立皆受本朝廷冊封

風俗 黥面文身被髮跣足 寰宇記男子黥面文身衣裙襦巾
幅結束相連不施縫綴女人衣如
單被穿其中以貫頭皆被髮跣足其王至
暗時始製冠以綿絲為之而飾以金玉 無盜少訟不娶同
姓 同上人不盜竊少訟婚嫁不娶同
姓父母兄弟異處惟會同男女無別 飲食用蓬豆初衣不

酒肉同上飲食以手而用蓬豆以蹲跪為恭敬死有棺无槨既葬喪家入水信巫好戲同上兵有矛盾木弓竹矢以骨為浴潔以被不禱同上信巫好戲同上骨以吉凶信巫好戲同上握槩同上重儒書信佛法同上儒書有好學能屬文者尤信佛法有五經書及佛經唐白居易交易用銅錢宋史土宜五穀而少麥易集皆得自中國云寶樂有中國高麗二部四時寒暑大類中國婦人皆被髮一衣用二三繩

山川壽安鎮國山國之鎮山本朝永樂初自製文賜之刻碑立其地

土產金東與西別銀州出琥珀島出水晶有青紅三色流黃 水銀 銅

鐵 丹土 白珠 青玉 冬青木 多羅木 杉木

水牛 驢 羊 黑雉 細絹 花布 硯 螺鈿 扇

漆以漆製器甚工緻

今按大明一統志記我沿革風俗皆見前史自永樂以來其國王嗣立皆受本朝廷冊封謂足利氏受明朝冊封也

土產與世法錄有異同我朝書所載土產亦甚多藤原明衡新猿樂記曰諸國土產所謂阿波絹越前綿美濃八丈又常陸綾紀伊國縑甲斐斑布石見紬但馬紙淡路墨和泉櫛又播磨針備中刀伊豫手筥又砥又齧出雲莖讚岐圓座上繪鞍鞞武藏鎧能登釜河內鍋又味安藝樽備後鐵長門牛陸奧駒又檀信濃梨子又木丹波栗尾張又若狹推子近江餅又越後鮭又漆備前海糠周防鯖伊勢鱒隱岐又山城茄子大和瓜丹後和布飛驒餅鎮西米等愚謂諸書所載此外猶多土產亦隨時有用有無用有古今所賞一者

大明會典卷之一百二十一 兵部十六

應付馬快船

事例

一凡欽差內臣公侯伯出外公幹如操江鎮守之類應從水路者

一每年欽差公侯伯郎中等官赴各王府冊封者

一在京大臣以禮致仕有旨馳驛還鄉及丁憂病故者

一龔封衍聖公嗣教張真人朝覲回還

一南京內外官進貢回還

一安南日本等國使臣朝貢回還

又卷之一百六十四 工部十四

船隻

一備倭船

沿海衛所每千戶所設備倭船十隻每百戶備倭船一隻
每一衛五所共船五十隻每船旗軍一百名春夏出哨秋回
守月支行糧四斗船有虧折有司補造損者軍自修理
又卷之一百七十二 鴻臚寺
凡王府弁鎮守守備備倭等官外夷宣慰宜撫招討等司進
貢齋本人員
又卷之一百七十三 國子監
凡日本琉球囉囉諸國官生俱賜冬夏衣鈔被靴襪及從人
衣服

今按明天子付馬快船於我使人賜物于我官生及從人
其遇我厚矣設備倭船者為禦寇也此乃以直報怨以德
報德也皆我所致也

紀効新書卷之八

定遠 戚繼光 撰

操練營陣旗鼓篇第八

一戰勝追賊防伏之法

夫倭性人自為戰善於抄出我後及雖大敗隨奔隨伏甚至一二二人經過尺木斗壑亦藏之往往墮其計中辛酉之役一月十捷我兵損不及六七人議者謂非兵之巧乃賊之拙此倭不如別倭之有伏也殊不知將前法已曾教熟于平時故如花街之捷戰追四十里而保全勝者非賊之無伏我有搜守之法而伏無所用也其法如賊徒一戰而敗賊遂奔北我兵追上凡遇林木人家過溪轉角之處每量林木屋垣灣曲大小即留一隊或一哨守其必出之口

而他兵一面徑跑追上每遇一處即留一處又或村落極大者即通行圍止聽人進搜無賊高聲為號又復前追其麥田茂草之地又皆可伏之所我兵每一哨內即留一隊分投下路星散麥田草中搜打喊叫一面正兵徑追故每戰多於麥田中搜獲生擒此非避我者正賊之伏也

今按辛酉明嘉靖四十年當本朝正親町天皇永祿四年

又卷之十八

臨敵號令軍法

一各船打敗倭寇所撈獲財物包裹聽船捕盜從公分給以多半付動手首功之人餘皆均處敢有官捕頭目勒分甚至夾打追侵公然放肆者許各兵徑於回目赴官告首決

打重治加倍追付各兵頭目依律治罪其軍器則要報官解驗不許各兵隱藏

今按戚繼光數立戰功宜乎以其功祀于功德祠詳見閩書其軍法可重故抄出二條

說部續 第十

日本寄語

定州 薛俊

寄即譯也西北曰譯東南曰寄

天文類

天帝月 虛路月 忝計星 付泥 云云

時令類 云

地理類 云

方向類 云

珍寶類 云

人物類 云

人事類 云

身體類 云

器用類 云

衣服類 云

飲食類 云

花木類 云

鳥獸類 云

數目類 云

通用類 云

士君子非先王之法言不敢言而方言固不足煩唇齒然言者心之聲得其言或可以察其心之誠與偽故特寄其常所接談字彷彿音響而分繫之似以資衛邊將士之聽聞亦防禦之一端也初無義理觀者不必字為之釋

今按以中國語譯倭語亦見武備志在下文故今引續說

郭以云云略之

唐詩訓解卷之四

濟南 滄溟 李攀龍 選
公安 石公 袁宏道 校

送秘書龜監還日本

日本古倭奴國後惡倭名更號日本自言國近日本所出以為名貞觀

初遣使又朝其有願留中
國授經籍業者久乃請還

王維

積水不可極安知滄海東九州何處遠萬里若乘空向國唯
看日歸帆但信風鰲身映天黑魚眼射波紅鄉樹扶桑外主
人孤島中別離方異域音信若為通

荀子積水而為海謝靈運詩莫辨洪波極誰知大海東史
記騶衍好為閩犬之言言中國名赤縣神州內有九州禹
之叙九州是也中國外如神州赤縣者九乃所謂九州也
列子乘空若履實又渤海之東有五山岱輿員嶠方壺瀛
洲蓬萊皆仙人所居五山之根無連著隨潮上下帝恐流
於西極命策強使巨鰲十五舉首戴之始不動楚辭貫魚
眼與珠階書日本有如意寶珠其色青大如雞卵夜有光
云魚眼精也十洲記扶桑在碧海樹長數千丈三千餘
圍兩樹同根更相依倚故稱扶桑公集中又有送龜監
還日本序其內云鯨魚噴浪鷓鴣首乘雲扶桑若齊鸞鳥如
浮等語與詩義頗合或一時贈別所作
吳監益夷人入仕中國者維與同官相善故因歸國而送以
詩言積水尚不可極安知滄海東乎彼九州至遠未有若萬
里乘空者也况越海而行無路可覓但指日而知國信風以
挂帆後有魚鰲吞舟之患當此之時指鄉樹於扶桑就一人
于孤島良亦危矣如此異域若何以通音信哉

今按此詩亦載文苑英華卷第二百六十八人作秘書監

歸集作日本國又曰魚作屋作眼射波紅若為之若作苦

月令廣義卷之一 歲令一

盱眙 馮應京 纂輯

新安 戴任 增釋

秣陵 李登 參訂

日本數譯 月日悉計且日虛路 年紀日一故都一日去多子

又去微且多二日扶達子又去且多三日密子倏且多四日

學子搖搖做五日意子子難難多六日後子七日乃乃子八

日效九日个个乃子十日多十一日多多去達子 冷日三

字水煖日挨撥水

今按譯日本語與續說郭武備志同數目多不中

皇朝日本傳卷之三

卷之二 歲令二

冷暖 碁子 宜室記日本國貢玉碁子冬則煖夏則冷

卷之二十三 晝夜令

如意珠 統志日本國阿蘇山石火起接天俗異而禱之有如

意寶珠大如雞卵色青夜有光永樂初年封為壽安鎮國

山

今按阿蘇山事見隋書壽安鎮國山事見大明一統志而

不記封何山以此號今據月令廣義則封阿蘇山以此號

也

卷之六 二月令

桃李春 宋真宗朝日本國人滕木吉朝獻詩云君問吾風俗

吾風俗最淳衣冠唐制度禮樂漢君臣玉璫新酒金刀剖

細鱗 年年二月三月桃李一般春

今按滕木吉事見宋史在上卷

劉氏鴻書卷之六

明 宣城劉仲達 纂輯

太史湯賓尹 刪正

地理部 三

海防倭夷入寇每隨風之所之東北風猛則由薩摩域由五

島至大小琉球而視風之變云不當專責之幕帥而已夫

倭奴狡詐叵測我太祖絕其通易誠見之遠矣邇來思併朝

鮮而有之朝鮮誠乞援朝廷憫焉命將出師捐不貲之費於

積稜之後則司閩外之寄者宜殫智竭忠裨狡焉畏服遠道

而幾危之國得安堵如故則皇上之命為不負而中國之威

不遠播乎聞，赴援之初正值，互寒倭奴畏寒如蟄，虫一舉而
殲之固太快也。乃逗留觀望，坐失事機，聞為將者以忌功喪
師為主帥者乃主和議，而名曰封貢，則其舉不小。和議罷而
忽聞斬獲千餘，之捷則功又胡大耶？功罪分而國勢輕重係
焉，則桑土至計不可不亟為之所。滴露漫錄
今按風之變以下至不當其間，與圖書編大同小異，故略
之。

又卷之八

地理部 五

夷國

高麗之學始於箕子，日本之學始於徐福，安南之學始於漢
立郡縣而置刺史，其中國之文學被焉。後至五代末節度使

吳昌文方盛，自中國流行外夷數千年間，其友皆不免於夷
狄之風，窮竭鄙陋，不足以續聖教者，蓋其聲音不同，其奇妙
幽玄之理，非筆舌之可傳，故不相合。原始祕書

今按日本之學，蓋自徐福以前有之，非以福為始也。惟正
學之不失，傳功被於萬世者，王仁也。應神天皇之朝，王仁
以漢帝之苗裔來為仁德天皇菟道皇子師，弘聖賢之道，
為萬世之儒宗，恨不令劉仲達等知之矣。

日本國在大海島中，島方千里，即倭國也。其國乃秦始皇時
徐福所領童男女始創之國。時福所帶之人百工技藝醫巫
卜筮皆全，福因避秦之暴虐，已思遁去，不意遂為國焉。而中
國諸書遂留於此，故其人多尚作詩寫字，自唐方入中國為
商始有奉胡教者。王乃髡髮為桑門，穿唐僧衣，其國人皆髡

髮孝服則留頭思域志

今按徐福事見引史記後漢書吳志等下我國自天地開闢有之當我孝靈天皇統御之時徐福避虎狼之秦來授我為氓今劉氏鴻書不知之謂徐福所領童男女始創之國者妄言也始有奉胡教者王乃髡髮為桑門穿唐僧衣謂聖武天皇孝謙天皇也二主皆當唐之世為桑門

夷俗

高麗之國有驢無馬新羅無羊勿吉無牛羊琉球無牛羊驢馬鞫國有鹿而無羊馬驅度寐有家而無宅畜朝鮮有麋鹿舊唐書而無麋扶桑有銅而無鐵日本無木棉夜郎無桑蚕鳥但無麴南詔尋傳之蠻無絲繡挹婁無鹽鐵西域無茶茗瓜

哇有麻稻粟菽而無茶麥波斯無稻黍三佛齊有米無麥鞫國有木無草日本有諸藥而無甘草芎藭朝鮮無岡桐銀朱晏陀蠻無鐵印都檐波真臘皆無雪霜勿斯里無雨蘇都識匿之國無五谷玄覽

大琉球之衣以鬮鏤南詔之衣以波羅檢拔力之衣以羊皮阿里驕之民鹿皮貫木葉而衣之滑國以羊皮為紙嘉良之夷以皮為舟三佛齊以椰葉為瓦扶南以大箬葉為瓦拔悉彌以樺皮為瓦暹羅以菱草為瓦朝鮮以布粟為市日本以漢唐之錢為市暹羅以海貝為市文身之民以珍寶為市晏陀蠻以蚌甲為兵回紇以駱駝耕駿馬之國以馬耕夷事略今按外國之俗不可知也惟我日本俗不可不知上古無木棉如說武備志亦曰用布為常服無棉花故也古者有

綿亦以木皮名木綿此曰即穀是也以為衣服後世祭祀
身被木綿手織者象上古之衣服也見古語拾遺寶其本
紀等書近世中國以綿花亦名木綿日本亦有之呼曰紀
波陀我國人暗古者以神代由布近代紀波多總書木綿
為一物者甚非也雖中國上古無綿花按吳淞張叔翹閱
耕餘錄曰吾松以綿布衣被天下而綿花之來莫詳其始
相傳謂種出西番元時始入中國按通鑑梁武帝木綿皂
帳史焯釋文云木綿江南多有之以春二三月下種既生
須一月三薹至秋生黃花結實及熟時其皮四裂其中綻
出如綿土人以鐵鋌碾去其核取如綿者以竹為小弓長
尺四五寸許牽弦以彈綿令其勻細卷為筒就車紡之自
然抽緒如縲絲狀織以為布按史焯所言即今之綿花無

疑矣但今制彈綿之弓以木為之長六尺餘則與古稍異
耳謂起自元時非也第史焯以此解木綿亦未為當木綿
出交廣其樹盈抱其實如酒杯其口有綿可作布見張勃
吳錄即今之班枝花楊用修辨之是矣原我朝綿花之始
類聚國史卷第百九十九殊俗部曰桓武天皇延曆十八
年七月有一人乘小船漂著參河國以布覆背有犢鼻不
著袴左肩著紺布形似袈裟年可廿身長五尺五分耳長
三寸餘言語不通不知何國人大唐人等見之僉曰崑崙
人後頗習中國語自謂天竺人常彈一弦琴歌舞哀楚閱
其資物有如寶者謂之綿種依其願令住川原寺即賣隨
身物立屋西墀外路邊令窮人休息焉後遷住近江國國
分寺十九年四月庚辰以流來崑崙人如寶綿種賜紀伊

淡路阿波讚岐伊豫土左及大宰府等諸國種之其法先
簡陽地沃壤掘之作穴深一寸衆穴相去四尺乃洗種漬
之令經一宿明且殖之一穴四枚以土掩之以手按之每
且灌水常令潤澤待生芸之見林近觀之表出于此無甘
草芍藥者誤也陸奧出羽常陸有甘草每年貢之見延喜
式芍藥諸州往往有之近世重中國甘草芍藥故以為日
本無之

又卷之六十九

文史部 四

雜著 長

倭國

嘗見倭國求通表文曰臣聞三皇立位五帝禪權豈謂中華

之有主焉知夷狄之無君乾坤浩蕩非一主之獨權宇宙洪
荒乃萬民之糾首故天下者天下之天下也非一人之天下
也臣居遠疆偏倭小國城池不滿六十座封疆不足二千里
故常存知足之心而知足常足也臣聞陛下作中華之主為
萬乘之君至尊至上也城池數千餘座封疆數萬餘里尚然
不足常起滅絕之意天發殺機神鬼號哭地發殺機龍蛇走
陸人發殺機天地反覆堯湯有德四海來賓周武施仁八方
拱手今聞太國有興戰之策小邦有却兵之法臣豈肯執途
拱奉天顏順之未必其生逆之未必其死今聞陛下選股肱
之師起竭國之兵來侵臣境賀蘭山前聊以博戲倘若君勝
臣輸則滿上國之策設若臣勝君輸番作小邦之利自古及
今講和為上罷戰為強免生靈之疾苦救黎庶之艱辛年年

進貢於中華歲歲稱臣於弱國今遣使臣徑詣丹墀剪勝野

今按倭國求通表文不知何世事偶得之於鴻書故載焉
古今萬姓統譜卷之一百四十

吳興 凌迪知雅哲 輯

吳門 俞允文仲蔚 校

諸方複姓

朝臣 日本國使人

唐

朝臣真人 長安中拜司膳卿同正副使

朝臣大父 拜率更令同正

今按朝臣為複姓是也本朝天武天皇以來賜八姓朝臣

其一也詳見日本紀古語拾遺姓氏錄謂朝臣日本國使人者非也粟田朝臣真人使於唐故率爾云然宜參考引唐書下大夫當作大夫後漢書曰使人自稱大夫是也

又卷之二十五

朝 潘賜

字文錫浦城人永樂進士授行人出使日本回獻德化書永樂大典頌上覽之稱善命入史館轉鴻臚少卿再使日本回陞江西參政警家摘其詩句以為妖言坐落職宜德間復除鴻臚寺少卿又使日本朝廷深加獎勞賜才思高邁操履方正三使外夷能全大體以副君命時論賢之所著有梅竹篇皇華勝覽客

又氏族博攷卷之七 氏目 諸方複姓

朝臣

瑯邪代醉編卷之九

姑蘇張鼎思睿父父輯

身稱山之仙

蒼梧楊際會士遇父校


外國書

歐陽公日本乃歌徐福行時經未焚逸書百篇今尚存令嚴不許傳中國舉世無人識古文由此觀之則尚書全文日本國尚有之也聖天子德威遠播梯航日出之邦聖賢遺書必有隨玉帛而來者此千古太快事也
三才圖會地理九卷 補陀山圖說

雲間 允明父王思義 集

補陀落迦山在定海東北故昌國縣海中佛書所謂海岸孤絕處往時高麗日本新羅諸國皆由此取道以候風信一名梅岑山其山有善財巖潮音洞盤陀石蓮花洋其勝稱絕又地理十三卷東夷 日本國圖說

日本國



日本即倭奴國在東南大海中依倚山谷蔚麗在其地新羅百濟在其西北地勢東高西下於閩浙為東北隅王以王為姓文武僚吏皆世其官有五畿七道各有所屬州州以統郡其附庸國凡百餘自北岸云云故名云
今按日本國圖同圖書編說似大明一統志故不煩載又人物十三卷

皇朝日本傳卷之三

三

日本國，即倭國，在新羅國東南大海中，依山島居，九百餘里，
 專一沿海寇盜，為生中國，呼為倭寇。
 今按此圖，亦寇盜為生之文，甚亂真，詳見引不求人下。
 又珍寶二卷錢圖下，外國品。

和同錢



神功錢



萬年錢



隆平錢



乾文錢



舊譜曰：日本國錢四品，並徑寸重五銖，其文
 隸書。一曰和同開珍，二曰神功開珍，三曰萬
 年通寶，四曰隆平永寶。其國延曆中鑄。

國朝會要云：太平興國九年，日本國僧大周
 然等浮海而至，云其國用銅錢，文曰乾文寶。

倭國錢

延喜通寶

贊寧傳載曰倭國在東海中正朔一同中夏年號天慶天曆其國用錢文曰延喜通寶

今按和同開珍元明天皇和銅年中所鑄今猶古錢有此文神功開珍拾芥抄作神功開寶云天平神護元年鑄之萬年通寶天平寶字四年三月鑄之隆平永寶延喜十五年十一月八日鑄之圖說延曆曆當作喜乾文寶當作乾元大寶誤書乾文錢文大字滅此錢村上天皇時鑄之九條右丞相記九曆曰天德三年三月廿五日改錢文曰乾元大寶參議大江維時勘進大內記藤原俊生作詔書圖說大周然當作裔然誤也延喜通寶延喜七年十一月三

日鑄之我朝改錢有法西宮記曰大臣奏勅令博士勘錢文奏定擇吉日名能書者於陣頭令書字樣奏之乃令作物所彫定下官符于鑄錢司鑄之鑄錢司進新錢云云歷代多錢開基勝寶金錢也太平元寶銀錢也及承和昌寶長平永寶饒益神寶貞觀永寶寬平大寶等錢有之三才圖會惟載六錢而已

五燈會元續略卷第一上

明 支提山嗣祖沙門淨柱輯

金陵天界寺雪軒道成禪師傳

洪武三十五年七月太宗文皇帝崩登寶位奉使日本國師往宣聖化二年與同使官僚備奏皇情大悅恩寵之隆有加四年以僚佐諸繫於囹圄百餘日師坦然無慮上知其非罪

有之

今按續替古略第三亦有雪軒禪師事云至永樂中命師往日本國闡揚佛化及歸陞左善世御製詩章賜之洪武三十五年當日本應永九年乃足利道義為政於天下之時也

又卷第三下

臨濟宗

高峯日禪師法嗣

日本國兜率院夢窓疎石國師姓源氏勢州人字多天王九世孫母禱觀音夢吞金色光而孕暨長繪死屍九變之相獨坐觀想知色身不異空花慨然有求道之意十八為僧夢遊中國疎石石頭一刹一龐眉僧持達磨像授之既寤曰洞明

吾本心者其難禪觀乎初謁無隱範次謁一山寧于相州山曰我宗無語句亦無一法與人師曰願和尚慈悲方便開示山曰本來廓然清淨雖慈悲方便亦無師疑問無聊見佛國高峰日公扣請如前峰曰一山云何師述其問答峰厲聲喝曰汝何不道和尚逗漏不少師於言下有省辭歸舊隱常牧山一夕坐久偶倚壁忽然仆去豁然大悟有等閑擊碎虛空骨之句求峰印可峰曰西來密意汝今已得善自護持卓菴濃州諸刹國王命師領南禪天龍等處王妃延入宮中執弟子禮問道賜號正覺加心宗普濟之號且遺以手書其略曰道振三朝名飛四海主天龍席再轉法輪秉佛祖權數推廢壘師以年高隱退尋示寂

今按夢窓國師事亦見續替古略第二與續五燈會元本

同小異云諱智曜王妃延入云云問道據夢窓年譜貞和二年觀應元年有此事正覺光明天皇所號心宗光嚴天皇所賜普濟後光嚴天皇所加道振三朝云云等文觀應二年八月十五日光嚴天皇手詔也三朝者後醍醐天皇光明天皇光嚴天皇詳見天龍寺紀年考

釋鑑誓古略續集二

歸安杏溪遠菴比丘大聞 幻輪彙編

日本禪師諱印原字古先相州藤氏生有異徵幼多奇志八歲歸桃花悟公十三剃度具戒奮然南游初參無見觀公指見中峰本公給侍左右屢呈見解峰呵曰根塵不斷如纏綿何虛妄塵勞皆非究竟事也師愈精進久之有省現前境界一白無際入室印決超然領解峰囑以善自護持時虛谷靈

公古林茂公東嶼海公月江印公師咸往講焉以叢林師子見稱之後同清拙澄公入日本建立法幢化行遐邇殊有力焉出世慧林祝香嗣於中峰次主等持教寺及真如萬壽淨智等刹又住持普應寺長壽院兼主圓覺建長後退老長壽是歲春正月示疾至一十三日名門人曰爾等恪守吾平日甲寅洪武七年所訓使法輪永轉可也大書心印二字付額其塔壽八十臘六十二云

今按五燈會元續略亦有日本國相州建長禪寺古先印原禪師傳

日本即古倭奴國海中諸夷倭奴最大西南至海東北大山國主世以王為姓地分五畿三島又有附庸百餘拘那韓最大唐初更為日本其俗男子魁頭斷髮黠面文身婦人被髮

屈紆跣足間用履其喜盜輕生好殺天性然也物產金銀琥珀水精琉璃黃水銀銅錢白珠青玉蘇木胡椒縑絹花布螺蛸漆器扇犀象刀劍鎧甲馬交市華人喜得童女錦綺絲綿磁針時入貢不誠

又三

太初禪師諱啓原號太初日本國人九歲禮物外禪師得度年十九與宗猷等十八衆游叅上國丙午二月進京見季潭禪師後見了室天童無著懶牧等四十五員大善智識末於傑峰和尚處入室付頂相大衣拂子法語後住羅陽三峰寺及山交龍護禪院有三會語錄是年三月一日卓午說偈曰生也鐵面皮死也鐵面皮一椎百雜碎白日繞鐵圍擲筆坐逝壽七十五行化四十餘年塔院南

夢觀集卷之一 七言古詩

富春 釋如蘭 編次

送勤無逸使日本

大明建國如虞唐萬方玉帛朝明堂五百僧中選僧使奉詔直往東扶桑扶桑東去渺煙水百萬樓臺海中起珊瑚珠樹赤松西玉嶂金峰碧雲裏重城堅壁鏤不如衣冠禮樂傳中都樓船謾說贏氏使劫灰不動蒼姬書白河關高玉繩下天上靈梅移北野八表神師解象龍十歲小兒知言馬自從日姓開封疆履地不敢稱天王一君四相贊吁咈本支百世同蕃昌讀書不貴論王霸上下唯知尊佛化尚想兵殘五季餘全奉台書復中夏故人自是吾宗傑北峰印燈垂六葉此行豈誇專對才要播玄風翊王業飄飄瓶錫辭九重太颿四月

開南風游龍雙迎浪花白天雞一叫東方紅我諤白雲天萬
 里人生生為當若是瓦官閣上望秋濤待汝歸來報天子
 今按勤無逸者南京瓦官寺僧也御製文集所謂克勤是
 矣洪武五年來于日本見圖書編白河關在陸奧國勝地
 也北野在山城國天滿大自在天神之所鎮坐也故此詩
 詠梅詳見上卷薩天錫詩集條日姓指日神之種也

適情錄

林應就自叙云弘治間日本僧虛中者來朝止于杭博學而
 文且善奕嘗著決勝圖二卷云云蓋得奕之三昧

今按弘治明孝宗敬帝年號當我朝後土御門院後栢原
 院之間

玉煙堂 唐法書 日本

春暮遊施五石寺觀半
 落花 絕句為七款
 背極之音
 落花 委地 一 紗枝
 如雪如之 意始 一 似

道場橙戎老年新

白換半以耐

三月申日札施云名

寺即中絶白為號

七五拾也也

魏陽三月七日盡白是

拾遺之感懷僧云

云乃以乃及云明生云

誰之兒死一拜

杖跡光華亦冠調新

以上二枚此皇子手跡也

薛嗣昌

日本草書如唐人學二王筆也

晉陽張誠一嘗覽

子昂題

暮春遊施無畏寺詠半落花絕句為韻鬱檀一首

落此委地亦殘我如有如空意始知何似道場檀越老年顏

白髮半頭時

三月盡日於施無畏寺印事 絕句為韻 左拾遺一首

艷陽三月今日盡白首拾遺感懷催欲以危身期後會明春

誰定見花開 扶醉走筆不避調聲

以上二枚此皇子手跡臨之也 薛嗣昌 晉陽張誠一嘗覽 子昂題

日本草書如唐人學二王筆也

晉陽張誠一嘗覽

子昂題

今按此言皇子者醍醐天皇第十六皇子兼明親王也母藤原朝臣淑姬參議菅根之女親王為二品中務卿號前中書王嘗為小野宮右大臣實賴見忌隱於嵯峨龜山長於詩文音樂亦能書世傳老君子曲親王之所作也初親王居龜山之水作祭文祈龜山神慈泉忽湧今猶在山下篁中天龍寺曹源池是也施無畏寺始名觀音寺在北山淑姬化雲之地故親王為當寺檀越數經歷之所謂鬱檀者親王自稱乎左拾遺官名本朝侍從也蓋親王同時風騷之士親王書自及左拾遺詩故曰以上二枚此皇子手跡二王義之獻之工書稱大王小王言如日本皇太子手跡之屬似唐人學二王筆故唐法書中載之張誠一嘗覽皇子真蹟薛嗣昌臨之乃為石刻也

皇孫日本傳卷之三

七九

醫學綱目卷之十九 疔瘡門

蕭山仙居岩 樓英全善 撰

丹日本三藏傳疔瘡方江子肉十粒半夏一大顆研末附子半枚羌螂一枚各為末四味臭也麝香也相和看瘡大小以帛繩子圍瘡口以藥泥上又用絹帛貼傳時換新藥以可為度此方活人甚多

今按此方出自日本三藏法師丹溪朱彥脩傳之釋氏要覽中卷曰經律論謂之三藏謂日本三藏則日本僧通三藏者也闕其名可惜丹溪取之樓氏載于醫學綱目其良方可知矣王肯堂證治準繩亦載此方
文房器具箋

東海 屠隆

潘鐵幼為浙人被虜入倭性最巧滑習倭之技在彼十年其器取金銀倭花樣式的傳倭製後以倭敗還省徙居雲門所製之請而價亦甚高

今按居家必備中人文房器具箋潘鐵久在日本習其國之技倭敗還蓋秀吉擒中華朝鮮人數萬秀吉薨後慶長十一年朝鮮松雲大師來請和乃我朝還囚于本國蓋潘鐵此時人

本草綱目卷八金石部水精集解

敕封文林郎蓬溪知縣蘄州 李時珍 撰

時珍曰倭國多水精

又第十一卷石部石硫黃集解

時珍曰舶上倭硫黃亦佳

又第三十七卷寓木類琥珀集解

時珍曰出高麗倭國者色深紅有蜂蟻松枝者尤好

五雜組卷之四

陳留 謝肇淛 著

地部二

海上操舟者初不過取捷徑往來貿易耳久之漸習遂之夷國東則朝鮮東南則琉球呂宋南則安南占城西南則滿刺迦羅羅彼此互市若比鄰然又久之遂至日本矣夏去秋來率以為常所得不貲什九起家於是射利愚民輻輳趨以為奇貨而權采之中使利其往來稅課以便漁獵縱令有司給符繻與之初未始不以屬夷為名及至出洋乘風挂帆飄然長往矣近時當事者雖為之厲禁誅首惡一二人然中使

尚在禍源未清也老氏曰不貴難得之貨使民不為盜上既責以稅課方物而又禁其販海其可得乎

今按中國市舶之來自唐至明駱驛不絕繫萬里舟之地古者大宰府二百有餘年以來有周防有豐府有薩摩有~~長崎~~等也今者長崎市舶之利通功易事誠富國利民然無用尤多前年西洋百蠻番舶輻湊非徒無用而邪說害神國之道嘗聞兼好法師曰唐物者藥外物雖無之於我常足矣書籍之類多弘于斯土則當書寫之而可也唐船行路難積無用之物走地渡將來嗚呼愚哉不寶遠物又不貴難得之貨於傳有之我朝三百年前有見解之高如此者五雜組說殆近是矣

海水之外不知還靠天乎還有地乎今之高處望日似從海

中生者蓋亦遠視云然如落日之銜山非真從山落也所云
海外諸國如琉球日本之類皆海中非海外也北方沙漠之
外不知還有海否若果有之則中國與北虜亦在海中矣水
土合而成地大段水猶多於土也

夷狄諸國莫禮義於朝鮮莫膏腴於交趾莫悍於韃靼莫狡
於倭奴莫淳於琉球莫富於真臘其他肥磽不等柔獷相半
要其叛服不足為中國之重輕惟有北虜南倭震鄰可慮其
次則女直耳

今按南倭北虜語亦見武備志在下文日本在高麗南故
以日本攻高麗中國患之曰南倭三才圖會曰高麗在其
北是也又日本人渡海入中國則著閩浙故謂之南遊此
語見晉古續略及本國僧傳三才圖會曰於閩浙為東北

隅是也

元之盛時外夷朝貢者千餘國可謂窮天極地罔不賓服而
惟日本岷強不臣阿刺罕等率師十萬往征得返者三人耳
國朝洪武初四夷王會圖共千八百國即西南夷經哈密而
來朝者三十六國永樂中重譯而至又十六國其中如蘇祿
蘇門答刺彭亨瑣里古里班卒白葛達呂宋之屬二十餘國
皆前代史冊所不載者漢唐盛時所未有也然其中惟朝鮮
琉球安南及朶顏三衛等受朝廷冊封貢賦惟謹比於藩臣
其他來則受之不至亦不責也可謂最得馭夷之體太祖之
絕日本朝貢知其狡也文皇之三犁虜庭知其必為邊患也
舍此二者中國可安枕而臥矣固知創業之主其明見遠慮
自非尋常所及也

琉球國小而貧弱不能自立雖受中國冊封而亦臣服於倭使至者不絕與中國使相錯也蓋倭與接壤攻之甚易中國豈能越大海而援之哉其國敬神以婦人守節者為尸謂之女王世由神選以相代云自國主以下莫不拜禱惟謹田將獲必禱於神神先往採數穗茹之然後敢穫不者食之立死禦災捍患屢顯靈應中國使者至則女王率其從二三百人各頂草圈入王宮中視供億廚饌恐有毒也諸從皆良家女神特攝其魂往耳中國人有代彼治庖者親見神降其聲嗚嗚如蚊焉

韃靼之獐獮而敬信佛法受禮君子得中國冠裳皆不殺即配以部落婦女見一僧至輒膜拜頂禮不敢褻慢倭奴亦重儒書信佛法凡中國經書皆以重價購之獨無孟子云有攜

其書往者舟輒覆溺此亦一奇事也

今按日本無孟子云有携其書往者舟輒覆溺者說言也日本有孟子千有餘年古來宗之乃趙岐注也其後有三經注疏四書集註及大全等流行于世皆自中國航海翻載而來者也孰謂無孟子乎

卷之五

人部一

人壽不過百歲數之終也故過百二十不死謂之失歸之妖然漢竇公年一百八十晉趙逸二百歲元魏羅結一百七歲總三十六曹事精爽不衰至一百二十乃死洛陽李元爽年百三十六歲鍾離人顧思遠年一百十二歲食兼於人頭有肉角穰城有人二百四十歲不復食穀惟飲曾孫婦乳荊州

上津鄉人張元始一百一十六歲替力過人進食不異范明友鮮鼻奴二百五十歲梁鄱陽忠烈王友僧惠照至唐元和中猶存年二百九十歲日本紀武內年三百七歲金完顏氏醫姥年二百許歲此皆正史所載其它小說若宋卿党翁之類又不勝其數也

今按日本書紀三十卷養老年中舍人親王奉勅撰其所紀起神代至持統天皇我國正史之一也武內宿祢者孝元天皇之曾孫景行天皇初年生仁德天皇七十八年薨其壽列三百十餘歲詳見日本書紀宋史曰有大臣號紀武內年三百七歲宜參考上卷引宋史條

卷之七

人部三

五代東丹王李贊華善畫多寫貴人酋長戈矛甲冑之形為世崇尚可見戎狄之中亦有文雅不羣者今西北諸狄識字者益少無論書畫已高麗日本畫皆精絕不類中國余從番舶購得倭畫數幅多畫人物形狀醜怪如夜叉然長短大小不一亦不知其何名也畫無皴法但以筆細畫縈迴環繞細如毫髮四周皆番字不可識又有春意便面一摺其衣冠制度甚為殊詭設色亦不類中國也

今按圖繪寶鑑有日本繪事在上卷宜參考

卷之十

物部二

凡菌為羹照入無影者不可食夷堅志載金溪田僕食葷一家嘔血死者六人惟丘岑幸以痛飲而免葢酒能解毒也又

嘉定乙亥僧德明遊山忽得奇菌歸以供衆毒發僧行死者
十餘人德明亟嘗糞獲免有日本僧定心者寧死不汚臣虜
理拆裂而死至今菴中藏有日本度牒其僧姓平氏日本國
京東相州行香縣上守鄉元勝寺僧也寧死非命不汚其口
亦庶幾陳仲子之風矣

今按相州無行香縣上守鄉他邦無此縣鄉文字之訛也
常州行方郡有井上鄉蓋是

卷之十二

物部四

吳越孫妃以物施龍興寺形如朽木筋寺僧不知寶此有胡
人曰此日本龍蕊簪也以萬二千緡買之

卷之十五

事部三

今天下神祠香火之盛莫過於關壯繆而其威靈感應載諸
傳記及耳目所見聞者皆灼有的據非幻也如福寧州倭亂
之先神像自動三日乃止友人張叔弢親見之

潛確居類書卷之十三

區字部七

四夷一

史官陳仁錫明卿父纂輯

日本○即倭奴于海中諸夷爲最大地分五畿七道三島道

統州六十六州統郡五百七十二又屬國百餘自北岸去拘

里日對海又南千餘里日瀚海又千餘里日未盧又東南陸

行五百里日伊都又東南百里日奴國又東百里日不彌又

南水行二十日投馬又南水行十日陸一月日邪焉其次

日斯焉日已百支日伊邪日郡支日彌奴日好古都日不
日姐奴日對蘇日蘇奴日呼邑日華奴蘇奴日鬼國日爲吾
日鬼奴日邪馬日躬臣日巴利日支惟日烏奴皆倭界所盡
其國小者百里大者不踰五百
歷漢唐宋元貢獻非一入寇

里戶小者千多者不踰二萬

亦非一唐咸亨初惡倭名更名日本以日出處近也其人克
狻貪譎好殺輕生黥面文身去髮惟稍留頂衣裙襦橫幅結
束相連不施縫綴草履僅蔽足指跟不著地以便跳躍服染
青質白文男衣過膝女衣如單被穿其中以貫頭皆被髮跣
足其王至隋時始制冠以錦綵爲之飾以金玉人不盜竊必
爭訟婚嫁不娶同姓父母兄弟异處惟會同男女無別飲食
以手而用邊豆以蹲踞爲恭敬遇尊長脫履而過疾無醫藥
病者裸而就水濱杓水淋沐之而四方顛神虔禱即愈死有
棺無槨封土作塚初喪哭泣不食肉飲酒親戚就尸歌舞爲
樂既葬舉家人水浴潔以祓不祥兵有矛盾木弓竹矢以骨
爲鏃灼骨以上吉凶信巫覡好棊博握捩擲蒲之戲初無文
字唯刻木結繩後頗重儒書有好學能屬文者尤信佛法有

五經書及佛經白居易集皆得自中國土宜五穀而少麥交
易用錢文曰乾文大寶樂有國中高麗一部四時寒暑大類
中國婦人皆披髮一衣用二三縑其譯語呼天爲唵喇地爲
只日爲非祿月爲讀急土產金銀琥珀水晶硫黃水銀丹土
白珠青玉冬青木多羅木其所製扇盒器皿皆精巧刀則無
人不佩尤其精者武藝工于刀法鳥鏡雙刀長五尺鳥鏡實
銅鑄成不用木柄竹弓長八尺以足踏其稍近而後發箭鏃
爲燕尾形甚重發必中中必倒用兵雖數人必用埋伏國主
世以王爲姓號曰天正王不與國事世享供奉而已其謀國
掌兵皆國相與關白主之文武僚吏皆世其官賦法三分之
一無他徭工役皆顧寡犯法不論輕重即時殺之洪武間方
谷珍張士誠既滅遺賊豪者悉航海糾島倭爲難旋貢旋寇

莫測也。後胡惟庸謀逆，復糾倭為援。以故太祖絕之。載在祖訓。而令湯信國經略海上，築登萊至浙瀕海五十九城。周德興築福建海上十六城。民丁四調一為戍兵。永樂宣德間稍得休息。正統以後，時時竊發。嘉靖間夏言為科臣，建言禍繇市舶，請罷之。不知市舶之設有無，相易華夷各便，第不當任內臣耳。自市舶罷而利孔在下番貨至，輒為奸商所負。已而投貴官家，貪戾尤甚。番人據近島，索通每乏食出，沒為盜。貴官又恐嚇官府出兵驅逐，遂激成汪直徐海之變。大亂十餘年，戕江南百萬生靈，費朝廷千萬財用。邇來反卒通番禁苑中國人，闌出交易，以故夷情得安。然市舶之利固已坐失之矣。○始倭之通中國也。云云 山城君云云
今按始倭之通中國也。云云 以下與圖書編同故略之草

屨事亦見平攘錄。服染青質白文藍染物也。男衣過膝，奴隸人衣制也。貴人垂衣裳，女衣如單被，穿其中以貫頭。婦人行道時所被以蔽面也。穿其中者非病者裸而就水濱。云云 卽愈熱病浴水國有醫法鍼灸藥等術無不悉備矣
無醫藥者非天正王見平攘錄。國相指將軍家執事餘皆見前史。

又卷之九十三 服御部六

明霞錦 ○杜陽襍編 女王國有明霞錦練水香麻為之光耀芬馥五色相間而美麗過中國之錦。又有魚油錦文彩九昇入水不濡以有漁油故也。

麒麟錦 ○韻府續編 漢武帝時日本貢麒麟錦十端金花炫

今按女王國指日本明霞錦倭錦也魚油錦出陸奧國希
婦細布之類麒麟錦見杜詩集註在上卷凡日本古來多
錦如小車之錦倭文是也總號倭錦平安城有錦小路昔
織錦者居之

無習染青非天玉王良平對稱同餘許請車本所製錦
云云此物然殊奇本國自製出類天樂等錦無不悉數
入行數種以滿而後求其尤奇者則有青粉而數本
精人本賦其貴入垂水樂文述其奇者其中更有
錦車亦良平對稱洲染青質白之錦染也思其

